



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Confirmatio donationis Ecclesie in Chassen.

urn:nbn:de:hbz:466:1-13591

dis profutura, salua sedis apostolicæ auctoritate & diocæsani Episcopi canonica iustitia. Si igitur aliqua in futurum ecclesiastica sæcularitue persona huius nostræ constitutionis paginam sciens, contra eam temerè venire temptauerit secundo tertioque commonita, si non reatum suum congrua satisfactione correxerit, potestatis honorisque sui careat dignitate reamque se diuino iudicio existere de perpetrata iniquitate cognoscat, & à sanctissimo corpore & sanguine DEI & Domini redemptoris nostri & Christi aliena fiat, atque in extremo examine districtè ultioni subiaceat. Cunctis autem eidem loco sua iura seruantibus sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant Amen. Datum *Viterbij* X. Kal. Ian. Indiët. X. An. Dñi M. C. XLVI. Pontificatus Domini *Eugenij* Papæ III. anno secundo.

Confirmatio donationis Ecclesiæ in
Chassen.

C*Hunradus* Dei gratia *Palat.* Episcopus. Vniuersis Ecclesiæ fidelibus salutem in perpetuum. Nos à Deo inspirati, & religiosis bonorum exemplis prouocati, quæ antecessores nostri Pontifices deuote secundum Dominum in suis priuilegiis nobis tradiderunt renouando confirmamus, & si qua ipsis in eodem spiritu facere potuerimus ne in oblivionem quandoque deueniant, testibus & scriptis commendare curamus; ex quibus est illud quod olim communi utilitate & petitione multorum interueniente, inter prædecessorem meum benedictæ recordationis *Reinbertum* Episcopum & fratres *Osterebrouen.* Ecclesiæ celeberrimæ cum euenientia Cleri & populi *Patauien.* factum est concambium, quando sicut extat in priuilegio illorum fratribus præfatis, Episcopus ille Ecclesiam *Chassen* cum omnibus suis pertinentiis temporalibus pariter & Ecclesiasticis contradidit, & ab ipsis prædium in *Rossenbach* situm pro æquiualeanti concambio recepit. Decimas quoque de curtes ipsorum simili modo contradidit, accepta pro digna commutatione ab eisdem fratrib. *Honingeshube* & prædio *Mistelbach.* Nos igitur & illud & omnem præfato loco legitime factam sine donationem siue quarumcunque rerum commutationem libenter cognoscetes antecessoribus nostris Episcopis non solum consentimus, sed eorum quoque sicut & nostras in quorumcunque beneuolentias sæpe iam dictis fratribus exhibitas omni fauore & astipulatione munimus. Denique tempore nostri Pontificatus tum utilitatis ratione, tum pro litis decisione quem mut. rationabiliter tertiam partem decimarum prædictæ curtis priori innitentes priuilegio sibi usurpasse videbantur commodum, atque per necessarium, consilio & instantia nostrorum fidelium, nobis & prætaxatis fratribus fieri concessimus concambium; quatenus videlicet ipsis eandem tertiam partem decimarum, quæ in *Gossenspach* nos & vicarium nostrum sacerdotem atinebat perpetuo iure traderemus, & ab eis prædiolū sui iuris in *Christorff* situm pro concambio sicut factum est recipere. Vt igitur hæc nostra prædecessorisque nostri largitio prædictæ Ecclesiæ *Ostereb.* fratrum inibi DEO famulantium vsibus omnimodis seruitura firma & inconuulsa permaneant, auctoritate apostolica ac nostra sub banno præsentis pagina confirmamus ac stabilimus, & ad iudicium firmitatis paginam hanc sigilli nostri impressione munimus. Testes sunt. Ego *Chunr.* sanctæ *Patau.* Ecclesiæ Episcopus. Ego *Ropertus* presb. S. *Sixti.* Ego *Chunilo* Archipresb. Ego *Robertus* Decanus sanctæ *Patau.* Ecclesiæ. Ego *Syghardus* presb. indignus. Ego *Otto* Archidiaconus S. *Pat.* Ecc. & Cancellarius. Ego *Albertus* presb. & Sacrista *Patau.* Eccl. Ego *Hainr.*

Heinr. presb. plebanus S. Pat. Eccl. ad S. Paulum. Ego *Heinr.* Scholasticus. Ego *Gozwinus* Diac. S. Pat. Eccl. Ego *Otto* Subdiac. Pat. Ego *Heinr.* Subdiac. *Heinr.* Prefectus, *Ratisponensis.* *Aramus* de Chambe, *Weinhardus* de Iulbach. *Erkenwvertus* de Mospach, *Engelbertus* de Planchenburch, *Amelbrecht* de Erling. *Meinbart* & filius eius *Heinr.* de *Spilbert.* *Ekkolf* & *Herlieb* Postmunster. *Otto* & frater eius *Engelbrecht* de *Sirubene.* *Dietrich* de *Wernarn.* *Reicher* de *Osterna.* *Wipoto* de *Ort.* *Hartmut* & *Germut* de *Austria.* *Fridericus* de *Etschelbach.* *Marquardus* de *VVolsa.* *Fridericus* de *Recebach.* Acta sunt an, ab incarnatione Dñi M.C.LV. Indictione prima. VI. an Pontificatus Dñi *Cbunradi Patavi.* Episcopi, regnante *Friderico Romanorum Imperatore III.* anno regni eius. Datum Pat. per manus *Ruperti Patavi.* Decani, VIII. Kln. Decembris.

De duplici festo sancti *Egidij* & missa & donatione
possessionum à *VVintzariis.*

CHunr. Dei gratia Pat. Ecclesie Episcopus. Vniuersis Christi fidelibus salutem in perpetuum. Sicut decet Rectores Ecclesiarum subditorum mentes verbis & exemplis ad meliora accedere, ita nihilominus iustum est spontaneas fidelium deuotiones & religiosos conatus digna amplecti benignitate, digno attollere fauore & illorum exemplo quoque fideles informare. Hinc itaque notum esse cupimus omnibus Christi fidelibus, quod DEO deuotus vir *Hartlieb* de *VVintzer Babenberg.* Ecclesie ministerialium non infimus, diuinitatis instinctu ad domus DEI decorem augmentum in Ecclesia sanctae *Margaretae Osterhouen* altare in honore sanctorum Confessorum *Egidij, Nicolai, Augustini* cum consensu & fauore dilecti fratris nostri *Engelschalci* eiusdem Ecclesie tunc *Propositi* coriusque *Osterhouen* chori, reliquique conuentus fratrum construxit, & vna cum praedictis fratribus à nobis dedicari obtinuit & patrimonij sui portionem, honeste dotauit. Haec autem sunt praedia quae ad dotem consignauit Ecclesiae *Christorff* cum adiacenti & molendinis dimidium mansum *Vriendorff,* praedium *Vihaujen,* praediolum *Chading,* praediolum supra *Harde,* praediolum *Multauue.* Haec itaque per manus *Salmani* sui *Goteboldi* de *Osterhouen* nobis praesentibus super confessionem praedictorum Confessorum ipsa die dedicationis praetaxati altaris delegauit, praesente petente quoque vxore & filiis eiusdem. Hoc ea conditione vt ad idem altare quotidie pro parentibus suis missa defunctorum dicatur: cum tamen Sacerdotum facultas permiserit, dictis aliis missis, quas Canonicus ordo, & eorum regularis consuetudo celebrari exigitur. Et vt memoria omnium parentum suorum annuatim proxima die post anniuersariam consecrationis die saepe dicti altaris, id est, V. Kln. Martij cum plenario defunctorum officio celebretur. Insuper vt festum S. *Egidij* celeberrime cum duplici festo à Clero & populo illius Ecclesiae celebretur, & in praedictis memoriis toti congregationi, de memoratis praediis pro consuetudine celebrium festorum ad mensas ministraretur. Omni ergo Conuentu fratrum coram nobis his praedictionibus assensum praebentibus, nos quoque vt praedicti viri deuotio exigeret, volentibus etiam fratribus omnibus, omnes praescriptas conditiones ita vt praedictum est in posterum inconuulsa conseruandas, nostra auctoritate & banno studuimus comunire. Testes autem horum omnium fuerunt *Poppo* de *Mesingen,* *Hartlieb* de *Wintzen,* & filij eius, *Eberhart* & *Hartlieb,* *Gotebold* de *Osterhouen,* & filij eius *Dietrich* & *Gotpolt,* *Rapoto* de *Poding,* *Rudiger* de *Ebring.* *Eppo* & frater eius, *Marquard* de *Hergoltingen,* *Eberhart* & frater eius, *Ekkhart* de *Anbaldesdorf,* *Isingrem* de *Gurichingen,* *Eschwin* de *Raphestorf,* *Rudiger* offo, *Dietreich,* *Chunrad* de *Osterhouen,* *Heinr. Vlreich* de *Mulheim.*

Petrus